



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-291-6/24– ME/ES
Tuzla, 11.03.2024. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 04/16) i preporuke Komisije za javne nabavke iz Zapisnika o pregledu i ocjeni ponuda broj: 03-11-7-291-4/24 – ME/ES od 06.03.2024. godine, donosi se

O D L U K A
o izboru najpovoljnijeg ponuđača
u postupku javne nabavke robe – računarske opreme za potrebe informatizacije na području TK - Disaster Recovery

Član 1.

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljnija ponuda u postupku javne nabavke robe – računarske opreme za potrebe informatizacije na području TK - Disaster Recovery bira ponuda ponuđača IMEL d.o.o. Lukavac sa cijenom u iznosu od 256.392,65 KM bez PDV-a odnosno 299.979,40 KM sa PDV-om.

Član 2.

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđačima koji su učestvovali u postupku javne nabavke.

Član 4.

Odluka stupa na snagu danom donošenja.

OBRAZLOŽENJE

Postupak javne nabavke robe – računarske opreme za potrebe informatizacije na području TK - Disaster Recovery, pokrenut je Odlukom o pokretanju postupka javne nabavke, broj: 03-11-7-291-1/24 – ME/ES od 08.02.2024. godine.

Postupak javne nabavke proveden je putem otvorenog postupka, za koji je u informacionom sistemu "e-nabavke", dana 08.02.2024. godine objavljeno Obavještenje o nabavci: 793-1-1-10-3-45/24. Sažetak obavještenja o nabavci objavljen je u "Službenom glasniku BiH" broj: 12/24 od 16.02.2024. godine.

Procijenjena vrijednost predmetne nabavke iznosila je 256.410,26 KM bez PDV-a odnosno 300.000,00 KM sa PDV-om.

Rok za dostavljanje ponuda bio je 29.02.2024. godine, do 11:00 sati.

Javno otvaranje ponuda održano je dana 29.02.2024. godine, u 11:30 sati.

Ponude su dostavljene od strane ponuđača kako slijedi:

1. IMEL d.o.o. Lukavac, sa cijenom ponude u iznosu od 256.392,65 KM bez PDV-a odnosno 299.979,40 KM sa PDV-om i
2. NEONETX d.o.o. Tuzla, sa cijenom ponude u iznosu od 256.285,00 KM bez PDV-a, odnosno 299.853,45 KM sa uračunatim PDV-om.

Na osnovu Izvještaja o preuzimanju tenderske dokumentacije utvrđeno je da su ponuđači koji su dostavili svoju ponudu u predmetnom postupku preuzeli Tendersku dokumentaciju sa Portala javnih nabavki (e-nabavke).

Ponuda ponuđača IMEL d.o.o. Lukavac ocijenjena je kao prihvatljiva, a ponuda ponuđača NEONETX d.o.o. Tuzla nao nepravilna iz sljedećih razloga:

*Tačkom 5.4.1. pod a) Tenderske dokumentacije postavljen je uslov:

da Ponuđači imaju uspješno iskustvo u realizaciji najmanje jednog ugovora u posljednje tri godine ili od datuma registracije odnosno početka poslovanja, koji su u vezi s predmetnom nabavkom odnosno čiji su karakter i kompleksnost adekvatni predmetnoj nabavci.

Kao dokaz o ispunjavanju uslova traženo je (Tačka 5.4.2. pod a) TD):

Spisak izvršenih ugovora o isporučenim robama koji su predmet nabavke, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno jedan ugovor čiji su karakter i kompleksnost adekvatni predmetnoj nabavci.

Uz spisak izvršenih ugovora ponuđač je dužan dostaviti i Potvrdu o urednom izvršenju ugovora, koja je u vezi sa dostavljenim Spiskom izvršenih ugovora, a koje daje druga ugovorna strana o njihovoj realizaciji, a koje (potvrde) obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz predočenje dokaza o učinjenim pokušajima da se takve potvrde obezbijede.

Uvidom u ponudu je utvrđeno da je dostavljen Spisak uspješno izvršenog ugovora gdje je navedeno da se radi o **Ugovoru za nabavku računarske mrežne opreme** kao i Potvrda o urednom izvršenju navedenog ugovora.

Komisija je stava da predmet Ugovora koji je naveden na spisku kao dokaz, po karakteru i kompleksnosti nije adekvatan predmetnoj nabavci te da se dostavljeni dokaz ne može prihvatiti kao relevantan dokaz.

**Tačkom 6.1.3. Tenderske dokumentacije je navedeno:

Ponuda i svi dokumenti kao i korespondencija u vezi sa ponudom između ponuđača i ugovornog organa moraju biti napisani na jednom od jezika u službenoj upotrebi u Bosni i

Hercegovini. Štampana literatura, brošure, katalogi i slično koje dostavi ponuđač ne moraju biti prevedeni, izuzev ako se TD ne zahtijeva da se i ti dijelovi prevedu (Napomena: ugovorni organ precizira šta sve mora biti prevedeno). Pod zvaničnim prevodom se smatra prevod ovjeren od strane sudskog tumača.

Ponuđač u svojoj ponudi kao dokaz za ispunjavanje uslova navedenom u tački 5.4.2. pod h) dostavio Izjavu/Potvrdu lokalne kancelarije za BiH od proizvođača čija je oprema predmet ponude odnosno proizvođača Lenovo i proizvođača FUJITSU. Potvrda izdata od proizvođača FUJITSU je dostavljena na engleskom jeziku te za istu nije dostavljen prevod. S obzirom da je tenderskom dokumentacijom propisano da Ponuda i svi dokumenti u vezi sa ponudom moraju biti napisani na jednom od jezika u službenoj upotrebi u Bosni i Hercegovini, Komisija je stava da dostavljeni dokaz nije u skladu sa tenderskom dokumentacijom te se isti ne može prihvatiti kao valjan.

S obzirom da je dostavljena samo jedna prihvatljiva ponuda, e-aukcija koja je bila predviđena nije sprovedena, te se postupak okončava u skladu sa članom 3. stav (3) Pravilnika o uslovima i načinu korištenja e-aukcije ("Službeni glasnik BiH", broj: 66/16).

Nakon pregleda i ocjene ponuda, sačinjen je Zapisnik o pregledu i ocjeni ponuda broj: 03-11-7-291-4/24 – ME/ES od 06.03.2024. godine, koji sadrži sve elemente i obrazloženja u vezi pregleda i ocjene ponuda dostavljenih u predmetnom postupku javne nabavke, kao i Preporuku Komsije za javne nabavke ovom Ugovornom organu da izabere ponudu ponuđača IMEL d.o.o Lukavac, sa cijenom u iznosu od 256.392,65 KM bez PDV-a odnosno 299.979,40 KM sa PDV-om.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od deset (10) dana od dana prijema ove Odluke.

Dostavljeno:

1. Ponuđačima (s dostavnicom)
2. a/a



DIREKTOR

Doc. dr. sc. Denis Husić, dipl. pravnik